



Samband sveitarfélaga á Austurlandi

Fundargerð 46. aðalfundar SSA, haldinn í Fjarðarborg á
Borgarfirði eystri dagana 14. og 15. september 2012

Föstudagur 14. september.

Dagskrá fundarins lá frammi og er hún þingskjal nr. 1. Verður hún einnig fjölfölduð í samantekt um aðalfundinn.

A) Fundarsetning

Valdimar O. Hermannsson, formaður SSA, setti aðalfundinn kl. 10:00 og bauð fundarmenn velkomna á þennan fertugasta og sjötta aðalfund sambandsins.

Að inngangi formanns loknum gerði hann tillögu um Björn Ármann Ólafsson og Kristjönu Björnsdóttur sem fundarstjóra, var það samþykkt og Hrund Snorradóttur og Sigurbjörgu Hjaltadóttur sem fundarritara, samþykkt samhljóða, tóku ritarar til starfa.

Fundarstjórar tóku síðan við stjórn fundarins, bauð fundarmenn velkomna til Borgarfjarðar og þakkaði auðsýnt traust og yfirför nokkur praktísk atriði.

B) Kosningar

Fundarstjóri bar upp tillögu um eftirtalda í kjörbréfanefnd: Cecil Haraldsson, Eydís Ásbjörnsdóttur og Pál Sigvaldason. Samþykkt samhljóða.

Fundarstjóri bar upp tillögu um eftirtalda í nefndanefnd: Arnbjörgu Sveinsdóttur, Gauta Jóhannesson og Unni Björgvinsdóttur. Samþykkt samhljóða.

C) Skýrsla stjórnar

Valdimar O. Hermannsson fór yfir skýrslu stjórnar starfsárið 2011 – 2012, sem liggur frammi. Skýrslan fylgir fundargögnum sem þingskjal nr. 2. Vísað til allsherjarnefndar.

D) Reikningar SSA

Ólafur Áki Ragnarsson kynnti reikninga SSA 2011 og endurskoðaða fjárhagsáætlun 2012, ásamt fjárhagsáætlun fyrir árið 2013. Greinargerð með ársreikningi þingskjal nr. 3. Ársreikningur SSA, þingskjal nr. 4, fjárhagsáætlun þingskjal nr. 5. Ársreikningur, greinargerð og fjárhagsáætlunum er vísað til fjárhagsnefndar. Skýrslu stjórnar vísað til fjárhagsnefndar. Ólafur Áki Ragnarsson minnti á að skýrslur eftirtalinna stofnana hefðu nú verið lagðar fram í gögnum fundarmanna og verði þeim vísað til viðeigandi starfsnefnda á fundinum.

E) Skýrslur stofnana

Skýrslur stofnana sem tengjast SSA eru ekki lagðar fram á fundinum, en þær er að finna á heimasíðu SSA, www.ssa.is

F) Fyrirspurnir og umræður

Fundarstjóri gaf orðið laust um skýrslu stjórnar, ársreikning og fjárhagsáætlun. Valdimar O. Hermannsson gaf nánari skýringar á vissum liðum fjárhagsáætlunar. Fleiri kvöddu sér ekki hljóðs.

G) Tillögur frá stjórn og fulltrúum til aðalfundar

Þórunn Egilsdóttir mælti fyrir tillögum stjórnar til meðferðar í allsherjarnefnd. Þingskjal nr. 6

- Ályktun um heilbrigðisþjónustu
- Ályktun um Heilbrigðisstofnun Austurlands
- Ályktun um flutning á verkefnum frá ríki til sveitarfélaga

46. aðalfundur SSA haldinn á Borgarfirði eystri 14. og 15. september 2012

- d) Ályktun um málefni aldraðra
- e) Ályktun um málefni Heilbrigðiseftirlists Austurlands

Jón Björn Hákonarsson mælti fyrir tillögum til stjórnar til meðferðar í mennta- og menningarmálanefnd. Þingskjal nr. 7

- a) Ályktun um símenntun og háskólanám á Austurlandi
- b) Ályktun um rannsóknir á háskólastigi Á Austurlandi
- c) Ályktun um menntun á framhaldsskólastigi á Austurlandi
- d) Ályktun um samstarf ríkis og sveitarfélaga um menningarmál
- e) Ályktun um skólamál
- f) Ályktun um ferðakostnað íþróttafélaga

Arnbjörg Sveinsdóttir mælti fyrir tillögum stjórnar til meðferðar í byggða og atvinnumálanefnd. Þingskjal nr. 8

- a) Ályktun um stofnanir ríkisins á Austurlandi
- b) Ályktun um framkvæmdir á vegum ríkisins
- c) Ályktun um leiðbeinandi og samræmdar vegmerkingar
- d) Ályktun um Vatnajökulsþjóðgarð
- e) Ályktun um framlag til ferðamála, markaðsstofu og upplýsingamiðstöðva
- f) Ályktun um hækkun virðisaukaskatts á ferðaþjónustu
- g) Ályktun um farþega og vöruflutninga til og frá Austurlandi
- h) Ályktun um endurvinnslu úrgangs á Austurlandi
- i) Ályktun um refa og minnkaveiðar
- j) Ályktun um hreindýr á Austurlandi
- k) Ályktun um sjávarútvegsmál
- l) Ályktun um jöfnun kostnaðar við dreifingu á raforku til almennra nota
- m) Ályktun um niðurgreiðslu kostnaðar raforku til húshitunar (fer kannski í allsherjarnefnd)

Stefán Bogi Sveinsson mælti fyrir tillögum stjórnar til meðferðar í samgöngunefnd. Þingskjal nr. 9

- a) Ályktun um jarðgangnagerð
- b) Ályktun um forgangsframkvæmd í vegagerð
- c) Ályktun um brýnar framkvæmdir og viðhald vega
- d) Ályktun um brýr
- e) Ályktun um almenningssamgöngur
- f) Ályktun um Egilsstaðaflugvöllur
- g) Ályktun um innanlandsflug
- h) Ályktun um hafnir
- i) Ályktun um fjarskipti
- j) Ályktun um nýframkvæmdir í vegagerð

Gauti Jóhannesson mælti fyrir tillögum stjórnar til meðferðar í samstarfsnefnd. Þingskjal nr. 10

- a) Ályktun um austfirskar stoðstofnanir
- b) Ályktun um samgöngunefnd
- c) Ályktun um samstarfsnefnd

Þórunn Egilsdóttir mælti fyrir tillögu Vopnafjarðarhrepps ályktun um Drekasvæðið, olíuleit, til meðferðar í samgöngunefnd. Þingskjal nr. 11.

1. Kynning á Austurbrú:

- A) Skúli Björn Gunnarsson stjórnarmaður Austurbrúar fór yfir ferli sameiningar stoðstofnana á Austurlandi í eina stofnun, Austurbrú.
- B) Guðrún Áslaug Jónsdóttir, fulltrúi háskóla og rannsókna, kynnti sitt svið innan Austurbrúar.
- C) Bergþóra Arnórsdóttir, fulltrúi símenntunar, kynnti sitt svið innan Austurbrúar.

- D) Árný Bergsdóttir, fulltrúi markaðsmála, kynnti sitt svið innan Austurbrúar.
- E) Signý Ormarsdóttir, fulltrúi menningar og lista, kynnti sitt svið innan Austurbrúar.
- F) Finnbogi Alfreðsson, fulltrúi atvinnuþróunar og nýsköpunar, kynnti sitt svið innan Austurbrúar.
- G) Umræður og fyrirspurnir. Til máls tóku Elvar Jónsson og Valdimar O. Hermannsson. Guðrún Á. Jónsdóttir svaraði fyrirspurnum sem fram komu.

2. Aðildarviðræður við Evrópusambandið

- A) Stefán Haukur Jóhannesson, aðalsamningamaður samninganefndar Íslands, kynnti stöðu aðildarviðræðna Íslands að Evrópusambandinu.
- B) Umræður og fyrirspurnir. Til máls tóku Stefán Bogi Sveinsson Cecil Haraldsson Arnbjörg Sveinsdóttir og Jón Björn Hákonarson. Stefán Haukur Jóhannesson svaraði fyrirspurnum sem fram komu.

Kl. 12:15- kl. 13:00 Fundarhlé og hádegisverður frá kl. 12:15 – 13:15

3. Ávörp gesta

- A) Framkvæmdastjóri Sambands íslenskra sveitarfélaga; Karl Björnsson, fór yfir störf sambandsins, stefnumörkun, starfsáætlun, hefðbundin verkefni og sérverkefni sambandsins, málefni tónlistarfræðslu, atvinnuleysisbætur og framfærsluskyldu sveitarfélaga, ESB aðildarviðræður, flutning á málefnum frá ríki til sveitarfélaga og fleira.
- B) Annar þingmaður Norðausturkjördæmis, Birkir Jón Jónsson, flutti kveðju frá þingmönnum kjördæmisins og hvatti til áframhaldandi samstöðu og eflingu fjórðungsins. Birkir Jón sagði að öll umræða um að landsbyggðin sé þurfandi aðili sem ríkið þarf að hjálpa er á villigötum þar sem raunin er að á landsbyggðinni er verðmætasköpun þar sem gjaldeyristekjur verða til. Því þurfa sjálfsögð mál eins og löggæslumál, heilbrigðismál og skólamál að vera í lagi. Hætta þarf að tala um niðurgreiðslur og styrki en tala frekar um jöfnun og leiðréttingu. Í fjórðungnum er margt sem sameinar okkur þó við tilheyrum mismunandi flokkum og við þurfum að standa saman um málefni fjórðungsins og efla hann.

4. Hugsanlegar sviðsmyndir við olíuleit og olíuvinnslu á Drekasvæðinu

- A) Haukur Óskarsson, framkvæmdastjóri iðnaðar hjá Mannvit ræddi um virðisbætur olíunnar, Dreka, mannvirki, vettvangsrannsóknir og framtíðarsýn. Leyfi til rannsókna verða líklega gefin út á næstu mánuðum, bergmáls mælingar fara þá af stað, síðan er unnið úr þeim mælingum, í kjölfarið er farið í þrívíddarmælingar og ef staðan er álitleg er farið í að bora. Ein hola kostar um 30 milljarða, sem er svipað og Harpan. Undirbúningur og framleiðsla er næsta stig, þá eykst umfangið og peningastreymi eykst til muna með meiri umsvifum. Framleiðsla á olíu er dælingin, þá er flutningur, geymsla og olíuhreinsustöðvar, markaðssetning, dreifing og skattlagning. Farið var yfir hvaða mannvirki þurfa að vera bæði á hafi í borpöllum, skipum og sliku, og í landi eins og hafnir, flugvellir, þryllupallar, skrifstofuhúsnæði, sorpförgun/endurvinnsla, verkstæði, þjónustufyrirtæki og slíkt.
- B) Umræður og fyrirspurnir. Til máls tóku Finnbogi Alfreðsson, Sigmundur Ernir Rúnarsson, Elvar Jónsson, Rúnar Snær Reynisson og Þorsteinn Steinsson. Haukur Óskarsson svaraði fyrirspurnum sem fram komu.

5. Samtal tveggja stjórnsýslustiga

- A) Héðinn Unnsteinsson, stefnumótunarfræðingur í Forsætisráðuneytinu, fjallaði um Ísland 2020 út frá byggðamálum og auknu fjármagni til landshlutanna í gegnum landshlutasamtökin og að sóknaráætlanir verða í framtíðinni fjármagnaðar með sameiningu vaxtarsamninga, menningarsamninga og endurskipulagningu og sameiningu á stoðkerfi atvinnu- og byggðaðróunar. Markmiðið er einföldun, skilvirkni, hagkerfið, og valddreifing landshluta.

1. Sóknaráætlun landshluta

- A) Hólmfríður Sveinsdóttir verkefnisstjóri í Sóknaráætlun Ísland 2020. Markmið sóknaráætlunarinnar er efling sveitarstjórnarstigsins/valddreifing, einfaldari og öflugri

samskipti ríkis og sveitarfélaga og aukið samráð innan Stjórnarráðsins. Landshlutasamtökin hafa forystu um gerð sóknaráætlana, kalla hagaðila til samráðs, ákveða fyrirkomulag og skipulag, hverja á að kalla til og formlegan samráðsvettvang. Drög að sóknaráætlun á að liggja fyrir í desember 2012. Undir sóknaráætlun fara fyrst málaflokkarnir atvinna og nýsköpun, menningarmál, markaðsmál og fræðslumál/fullorðinsfræðsla.

- B) Umræður og fyrirspurnir um samtal tveggja stjórnsýslustiga og sóknaráætlun landshluta. Til máls tóku Stefán Bogi Sveinsson, Arnbjörg Sveinsdóttir, Valdimar O. Hermannsson, Jens Garðar Helgason. Héðinn Unnsteinsson og Hólmfríður Sveinsdóttir svöruðu fyrirspurnum sem fram komu.

2. Kynning á IPA-styrkjum Evrópusambandsins

- A) Snorri B. Sigurðsson, forstöðumaður hjá Byggðastofnun kynnti IPA styrki Evrópusambandsins (Intstrument for Pre-Accession eða Fjármögnunarleið við foraðildarstuðning) sem eru styrkir sem Íslendingar geta sótt um núna þar sem Ísland er í aðildarviðræðum við ESB. Hægt er að sækja um styrki í verkefni sem snúa að a) atvinnuþróun og byggðamálum og b) velferðar- og vinnumarkaðsmálum félagsmálum samkvæmt sóknaráætlun Ísland 2020.
- B) Umræður og fyrirspurnir. Til máls tóku Jens Garðar Helgason, Sigmundur Ernir Rúnarsson og Valdimar O. Hermannsson. Snorri B. Sigurðsson svaraði fyrirspurnum sem fram komu.

3. Tillögur kjörbréfanefndar og nefndanefndar:

Formaður kjörbréfanefndar, Cecil Haraldsson kynnti niðurstöðu kjörbréfanefndar. Kjörnir fulltrúar eru sem hér greinir:

Fulltrúar sveitarfélaganna með seturétt á 46. aðalfundi SSA:

Fjarðabyggð

Valdimar O. Hermannsson

Guðmundur Þorgrímsson

Stefán Már Guðmundsson

Eydís Ásbjörnsdóttir

Esther Gunnarsdóttir

Ævar Ármannsson

Jens Garðar Helgason

Ásta Kristín Sigurjónsdóttir

Jón Björn Hákonarson

Eiður Ragnarsson

Snjólaug Guðmundsdóttir

Elvar Jónsson

Sævar Guðjónsson

Óskar Þór Hallgrímsson

14

Fljótsdalshérað

Björn Ingimarsson

Gunnar Jónsson

Stefán Bogi Sveinsson

Ragnhildur Rós Indriðadóttir

Árni Kristinsson

Páll Sigvaldason

Katla Steinsson

Eyrún Arnardóttir

Óðinn Gunnar Óðinsson

Sigrún Harðardóttir

Sigrún Blöndal

11

Seyðisfjarðarkaupstaður

Unnar Sveinlaugsson

Cecil Haraldsson

Daníel Björnsson

3

Vopnafjarðarhreppur

Sigríður Elva Konráðsdóttir

Bárður Jónasson

Guðrún Anna Guðnadóttir

3

Djúpavogshreppur

Andrés Skúlason

Albert Jensson

2

Borgarfjarðarhreppur

Jakob Sigurðsson

1

Breiðdalsvík

Unnur Björgvinsdóttir

1

Fljótsdalshreppur

Gunnþórunn Ingólfssdóttir

1

Samtals fulltrúar 36

46. aðalfundur SSA haldinn á Borgarfirði eystri 14. og 15. september 2012

- A) Arnbjörg Sveinsdóttir form. nefndanefndar lagði fram tillögu nefndarinnar í þingskjal nr. 12 sem hér greinir:

Kjörnefnd

Þórunn Egilsdóttir formaður
Jens Garðar Helgason
Ragnhildur Rós Indriðadóttir

Byggða- og atvinnumálanefnd

Páll Baldursson formaður
Unnar Sveinlaugsson
Katla Steinsson
Ásta Kristín Sigurjónsdóttir
Guðmundur Þorgrímsson
Sævar Guðjónsson
Óðinn Gunnar Óðinsson
Gauti Jóhannesson
Arnbjörg Sveinsdóttir

Mennta- og menningarmálanefnd

Jón Björn Hákonarson formaður
Albert Jensson
Sigríður Elva Konráðsdóttir
Eydís Ásbjörnsdóttir
Elvar Jónsson
Sigrún Harðardóttir
Páll Björgvin Guðmundsson

Samgöngunefnd

Þorsteinn Steinsson formaður
Andrés Skúlason
Bárður Jónasson
Daníel Björnsson
Eiður Ragnarsson
Esther Gunnarsdóttir
Gunnar Jónsson
Jakob Sigurðsson
Páll Sigvaldason

Allsherjarnefnd

Sigrún Blöndal formaður
Björn Ingimarsson
Guðrún Anna Guðnadóttir
Snjólaug Guðmundsdóttir
Stefán Már Guðmundsson
Árni Kristinsson

Samstarfsnefnd

Gunnþórunn Ingólfisdóttir formaður
Unnur Björgvinsdóttir
Valdimar O. Hermannsson
Óskar Þór Hallgrímsson

Eyrún Arnardóttir
Jón Þórðarson

Fjárhagsnefnd

Stefán Bogi Sveinsson formaður
Ævar Ármannsson
Cecil Haraldsson

4. Fundi frestað fram til kl. 10:00 laugardaginn 15. september nk.

5. Fundi fram haldið 15. september kl. 10:00

6. Amenningsamgöngur á Austurlandi

- A) Ásta Kristín Sigurjónsdóttir, verkefnastjóri hjá Austurbrú, sagði frá verkefni SSA í almenningssamgöngum í dreifbýli. Nota á hugmyndafræðina úr Evrópuverkefni NPP sem unnið var í samvinnu við Svía, Hjaltlendinga og Skota. Myndband um almenningssamgöngur í dreifbýli í Svíþjóð var sýnt.
- B) Umræður og fyrirspurnir. Enginn tók til máls.

7. Markaðssetning Austurlands

- A) Dr. Þórhallur Örn Guðlaugsson, dósent í viðskiptafræði með áherslu á markaðshneigð, staðfærslu og þjónustustjórnun, HÍ. Kynning á hvað markaðssetning er, að aðgreina sig frá samkeppnisaðilanum, skapa ímynd. Að byggja upp ferðageirann, að byggja upp iðnað, að gera svæðið að áhugaverðum stað til búsetu. Vandamál geta verið samhæfingarvandi-aðilar berjast innbyrðis um eigin hagsmuni umfram hagsmuni heildarinnar, umboðsvandi-hver má taka ákvarðanir.
- B) Umræður og fyrirspurnir. Enginn tók til máls.

8. Ávörp gesta

- A) Innanríkisráðherra, Ögmundur Jónasson, ræddi um mikilvægi samgangna, útboð á strandsiglingum eru fyrirhugaðar í byrjun næsta árs, um þær er þverpólitísk samstaða en óljóst hvernig markaðurinn bregst við. Varðandi flugsamgöngur þarf að endurmeta nálgun og afstöðu gagnvart innanlandsflugi, gera félagslega úttekt á mikilvægi flugsins fyrir landið og efla í kjölfarið flugsamgöngur. Einnig þarf að efla samgöngur innan landshluta. Lögð áhersla á mikilvægi samskipta milli ráðuneyta og sveitarfélaga. Sveitarfélögin eru vaxandi þáttur í skipulagi samfélagsins Íslands. Nú er hlutur sveitarfélaganna 33% í stjórnsýslunni en það stefnir í að hann verði um helmingur af stjórnsýslunni á Íslandi, m.a. með flutningi málefna fatlaðra og aldraðra frá ríki til sveitarfélaga. Efla þarf rafræna stjórnsýslu og lýðræði og auka áherslu á persónukjör á sveitarstjórnarstiginu. Sveitarfélög sameinast um verkefni og markmið út frá þeirri hugsun að þjónusta fólkið. Stofnanakerfið aðlagast að breyttum aðstæðum, dæmi um það er Austurbrú. Um þetta er samstaða milli ráðuneytis og sveitarfélaga. Um samgöngumál, Vegagerðin, ráðuneytin, sveitarfélögin og samgönguráð eiga samræðu um þróun almenningssamgangna á Íslandi. Hlustað er á sjónarmið sveitarstjórna og sérfræðinga Vegagerðarinnar.
- B) Umræður og fyrirspurnir. Til máls tóku Bárður Jónasson, Valdimar O. Hermannsson, Sigrún Blöndal, Stefán Bogi Sveinsson, Jón Björn Hákonarson, Arnbjörg Sveinsdóttir og Gunnþórunn Ingólfssdóttir. Ögmundur Jónasson svaraði þeim fyrirspurnum sem fram komu.

9. Cecil Haraldsson kvaddi sér hljóðs og bar upp tillögu kjörnefndar að Páll Björgvin Guðmundsson fengi samþykki fundarinnar sem fulltrúi fyrir Fjarðarbyggð vegna forfalla Óskars Þórs Hallgrímssonar. Samþykkt samhljóða.

10. Afgreiðsla ársreikninga – fjárhagsáætlana – nefndaálit og tillögur

46. aðalfundur SSA haldinn á Borgarfirði eystri 14. og 15. september 2012

A) Fjárhagsnefnd, Stefán Bogi Sveinsson, hópstjóri flutti framsögu. Þingskjal nr. 13

Ársreikningur SSA 2011 – endurskoðuð fjárhagsáætlun SSA fyrir árið 2012 og fjárhagsáætlun SSA fyrir árið 2013. Til nefndarinnar var vísað ársreikningi SSA fyrir árið 2011, fjárhagsáætlun SSA fyrir árið 2013 og endurskoðaðri fjárhagsáætlun fyrir 2012. Gögnunum fylgir greinargerð framkvæmdastjóra SSA.

Álit Fjárhagsnefndar aðalfundar SSA 2012

1) Ársreikningur 2011

Nefndin fór yfir reikninginn og þá greinargerð sem með honum fylgdi. Samkvæmt honum er afkoma SSA tæpum 11 milljónum króna frá áætlun á árinu. Skýringar á þessu koma fram í greinargerðinni. Er einkum um þrennt að ræða. Nettó hækkun reiknaðrar lífeyrisskuldbindingar er upp á rúmar 6 milljónir króna. Rúmar 3,3 milljónir króna falla til vegna kostnaðar sem SSA tók á sig á árinu 2011 í tengslum við vinnu við sameiningu stoðstofnana en nú liggur fyrir að ríkið mun styrkja verkefnið af fjárlögum um 4 milljónir á árunum 2012-2014. Þessu til viðbótar var gengið frá uppgjöri við fyrrum framkvæmdastjóra sem ekki var sérstaklega gert ráð fyrir í fjárhagsáætlun. Fjárhagsnefnd telur eðlilegar skýringar á frávikum frá áætlun og að eðli frávikanna sé slíkt að niðurstaða reksturs SSA árið 2011 sé í raun betri en tölurnar kunna að gefa til kynna. Fjárhagsnefnd leggur til að reikningurinn verði samþykktur.

2) Endurskoðuð fjárhagsáætlun 2012

Fjárhagsnefnd fór yfir og gerði nokkrar breytingar á endurskoðaðri áætlun 2012. Fjárhagsnefnd leggur til að endurskoðuð áætlun verði samþykkt svo breytt.

3) Fjárhagsáætlun 2013

Fjárhagsnefnd fór yfir og gerði nokkrar breytingar á fjárhagsáætlun 2013. Fjárhagsnefnd leggur til að endurskoðuð áætlun verði samþykkt svo breytt.

Umræður og fyrirspurnir, enginn tók til máls.

Þingskjal nr. 13 var borið undir atkvæði í heild sinni og samþykkt samhljóða.

B) Mennta- og menningarmálanefnd, Jón Björn Hákonarson, hópstjóri flutti framsögu. Þingskjal nr. 14.

a) Ályktun um símenntun og háskólanám á Austurlandi.

46. aðalfundur SSA haldinn á Borgarfirði eystri 14. og 15. september 2012 fagnar því öfluga starfi á vettvangi símenntunar sem unnið hefur verið á vettvangi Þekkingarnets Austurlands og leggur áherslu á áframhaldandi sókn í þessum efnum undir merkjum Austurbrúar. Fundurinn leggur áherslu á að tækifæri eru til að efla símenntun, t.a.m. með því að auka ráðgjöf á vinnustöðum, meðal atvinnuleitenda og frumkvöðla. Þá er ítrekað mikilvægi þess að sífellt sé unnið að auknu framboði, fjölbreytni og gæðum þeirra námskeiða sem íbúum standa til boða. Fundurinn leggur einnig áherslu á að áfram verði unnið að því að auka kosti íbúa á Austurlandi til að stunda nám á háskólastigi á heimaslóðum og gerir þá kröfu á háskólanna að þeir efli möguleikanna í því námi sem þeir bjóða upp á. Hvort sem er almennt eða með því að bjóða upp á sérstakar námsleiðir í samstarfi við Austurbrú.

b) Ályktun um rannsóknir á háskólastigi á Austurlandi.

46. aðalfundur SSA haldinn á Borgarfirði eystri 14. og 15. september 2012 skorar á ríkisstjórn Íslands og háskóla landsins að efla og styrkja rannsóknastarf á Austurlandi og bendir á möguleika sem hér eru fyrir hendi. Svo sem að styrkja fræðasetrið Búland í Neskaupstað sem miðstöð sjávarrannsóknna með áherslu á uppsjávarfisk í tengslum við Hafrannsóknastofnun og Matís. Eflingu jarðfræðirannsókna í tengslum við Jarðfræðisetrið í Breiðdal. Efla rannsóknir á vegum Skógræktar Ríkisins og Vatnajökulspjöldgarðs í tengslum við starfsemi þeirra á svæðinu. Þá þarf að setja kraft í uppbyggingu Rannsóknasetur HÍ á Egilsstöðum. Þá þarf að hlúa að samstarfi Austurbrúar og fyrirtækja í fjórðungnum um rannsóknir og þannig skapa eftirsóknarvert umhverfi til fræða- og

46. aðalfundur SSA haldinn á Borgarfirði eystri 14. og 15. september 2012

rannsóknna á Austurlandi.

c) Ályktun um menntun á framhaldsskólastigi á Austurlandi

46. aðalfundur SSA haldinn á Borgarfirði eystri 14. og 15. september 2012 hvetur stjórnvöld til að vinna áfram að bættri aðstöðu til framhaldsskólanáms á Austurlandi. Mikilvægt er að austfirskum ungmennum bjóðist sem fjölbreyttast nám og að unnt sé að mæta ólíkum þörfum nemenda. Þá er ekki síður mikilvægt að á Austurlandi sé boðið uppá menntun sem tengist þeim fjölbreyttu framtíðarmöguleikum sem svæðið býður upp á.

46. aðalfundur SSA ítrekar ályktun síðasta aðalfundar um framtíð framhaldsskólanáms og hvetur skólanefndir framhaldsskólanna á Austurlandi til að skoða markvisst kosti aukinnar samvinnu skólanna. Einnig telur fundurinn að rétt sé að skoða kosti og galla þess að færa rekstur framhaldsskólanna frá ríki til sveitarfélaga. Þá er mikilvægt að kynning á námsmöguleikum í fjórðungnum nái til allra íbúa á svæðinu og reynt sé að byggja upp jákvætt hugarfar gagnvart menntun og námsframboði í fjórðungnum. Fundurinn felur stjórn SSA að kalla eftir samræðu við fulltrúa skólanefndanna um þessa þætti og að tekið verði saman minnisblað sem lagt verði fyrir næsta aðalfund SSA.

d) Ályktun um samstarf ríkis og sveitarfélaga um menningarmál

46. aðalfundur SSA haldinn á Borgarfirði eystri 14. og 15. september 2012 lýsir ánægju sinni með þá hugmyndafræði sem liggur að baki núgildandi menningarsamningum og leggur áherslu á að áfram verði unnið á þeim grunni í samskiptum ríkis og sveitarfélaga. Þó vill fundurinn lýsa yfir vonbrigðum með niðurskurðarkröfu þá sem boðuð er í fjárlögum fyrir árið 2013 á gildandi menningarsamningi. Í ljósi þeirra breytinga sem orðið hafa á úthlutun fjármagns til menningarmála sem áður var hluti af safnliðum í fjárlögum krefst fundurinn þess að það fjármagn verði lagt í sérstakan sjóð og þeim fjármunum verði síðan úthlutað samkvæmt reglum sem samræmdar verði af landshlutasamtökum og menningarráðum þeirra og jafnræðis verði gætt í þeim málum.

e) Ályktun um ferðakostnað íþróttafélaga

46. aðalfundur SSA haldinn á Borgarfirði eystri 14. og 15. september 2012 lýsir yfir þungum áhyggjum af síhækkandi ferðakostnaði íþróttafélaga í fjórðungnum. Ofan á almennar verðhækkanir hafa breytingar á keppnisfyrirkomulagi, t.a.m. á Íslandsmótinu í knattspyrnu orðið til þess að hækka þennan kostnað verulega á undanförunum árum. Þá hækkuðu þau fargjöld sem Flugfélag Íslands hefur boðið íþróttahreyfingunni fyrirvaralaust um þriðjung nýverið. Hár ferðakostnaður skekkir samkeppnisstöðu og tækifæri íþróttamanna á landsbyggðinni. Aðalfundur SSA skorar á Íþróttasamband Íslands að beita sér af alvöru í málinu og verja hagsmuni íþróttahreyfingarinnar á landsbyggðinni til jafns við höfuðborgarsvæðið. Þá beinir aðalfundurinn því til Flugfélags Íslands, sem eina flugrekanda sem býður upp á beint flug milli Austurlands og höfuðborgarsvæðisins að koma með sanngjörnum hætti til móts við íþróttahreyfinguna á Austurlandi, en þau kjör sem íþróttafélögunum bjóðast eru langt frá því að vera ásættanleg miðað við að félög innan vébanda UÍA eyða að lágmarki tugum milljóna króna árlega í flugferðir fyrir iðkendur sína. Að síðustu skorar aðalfundurinn á Alþingi að stórhækka framlög í Ferðasjóð íþróttahreyfingarinnar eins og fyrirheit voru gefin um og jafna þannig eins og kostur er hinn hróplega aðstöðumun á milli íþróttafélaganna í landinu.

f) Ályktun um skólamál

46. aðalfundur SSA haldinn á Borgarfirði eystri 14. og 15. september 2012 hvetur sveitarfélögin á starfssvæði sínu til að standa vörð um gæði þjónustu í leik- grunn- og tónlistarskólum sveitarfélaganna þrátt fyrir hagræðingarkröfur. Aðalfundur SSA hvetur til þess að sveitarfélögin og stéttarfélög starfsmanna og stjórnenda í skólunum eigi samræður um fyrirkomulag skólastarfs með það fyrir augum að móta áfram þá stefnu sem það byggir.

g) Ályktun um svæðisútvarp

46. aðalfundur SSA haldinn á Borgarfirði eystri 14. og 15. september 2012 skorar á RÚV að koma svæðisútvarpi aftur á laggirnar á Austurlandi og styrkja fréttþjónustu sína í fjórðungnum.

46. aðalfundur SSA haldinn á Borgarfirði eystri 14. og 15. september 2012

Undir þessum lið tóku til máls Elvar Jónsson, Esther Gunnarsdóttir, Jens Garðar Helgason og Cecil Haraldsson.

Esther Gunnarsdóttir kom með breytingartillögu á orðalagi, taka út *hefja* og setja inn *efla* í staðinn í 6. línu b) liðar. Setninging hljóðar svo: Efla rannsóknir á vegum Skógræktar Ríkisins og Vatnajökulsþjóðgarðs í tengslum við starfsemi þeirra á svæðinu. Samþykkt samhljóða

Þingskjal nr. 14 var borið undir atkvæði í heild sinni með samþykktum breytingum og samþykkt samhljóða.

C) Samstarfsnefnd, Gunnþórunn Ingólfssdóttir, hópstjóri flutti framsögu. Þingskjal nr. 15.

Ályktun um samstarfsnefnd.

Aðalfundur SSA, haldinn á Borgarfirði eystri 14. og 15. sept. 2012, samþykkir að samstarfsnefnd sveitarfélaga á Austurlandi sem skipuð var í framhaldi af Aðalfundi SSA 2011 starfi fram að næsta aðalfundi sambandsins. Nefndin leggur til að á næsta aðalfundi verði kosið að nýju í nefndina þar sem að hvert sveitafélag tilnefnir 2, einn karl og eina konu. Stjórn SSA skal kalla eftir tilnefningum sveitafélaganna.

Samstarfsnefndin skal skipuð einum fulltrúa frá hverju sveitarfélagi og einum til vara og skal gætt að jöfnu kynjahlutfalli við skipan nefndar.

Helstu verkefni nefndarinnar skulu vera:

- Greina og vinna áfram að frekara samstarfi allra sveitarfélaga á starfssvæði SSA um einstök verkefni og málaflokka.
- Önnur samstarfsverkefni sem stjórn SSA kann að vísa til nefndarinnar.

Stjórn SSA og Samstarfsnefnd skulu móta starfsreglur fyrir nefndina þar sem m.a. verði tekið til verkaskiptingar milli nefndarinnar, annarra nefnda og stjórnar SSA. Miða skal við að einn fulltrúi í nefndinni eigi jafnframt sæti í stjórn SSA.

Nefndin leggur til að samstarfsnefnd finni þeim verkefnum sem betur verða unnin sameiginlega af sveitafélögum farveg t.d. með því að beina því til SSA að skipa þeim sérstaka starfshópa. Nefndin telur brýnt að samstarfsnefnd vinni að sameiginlegum hagsmunamálum tengdum olíuleit á Drekasvæði, flutningi verkefna frá ríki til sveitafélaga auk annara þeirra verkefna sem best vinnast í sameiningu af sveitafélögum á Austurlandi.

Ályktun um samgöngunefnd

Aðalfundur SSA, haldinn á Borgarfirði eystri 14. og 15. sept. 2012, samþykkir að samgöngunefnd sveitarfélaga á Austurlandi sem skipuð var í framhaldi af Aðalfundi SSA 2011 starfi fram að næsta aðalfundi sambandsins. Nefndin leggur til að á næsta aðalfundi verði kosið að nýju í nefndina þar sem að hvert sveitafélag tilnefnir 2, einn karl og eina konu. Stjórn SSA skal kalla eftir tilnefningum sveitafélaganna.

Samgöngunefndin skal skipuð einum fulltrúa frá hverju sveitarfélagi og einum til vara og skal gætt að jöfnu kynjahlutfalli við skipan nefndar.

Helstu verkefni nefndarinnar skulu vera:

- Fjalla um samgöngumál í fjórðungnum
- Vinna að framgangi tillagna aðalfundar SSA í samgöngumálum
- Eiga samskipti við og afla upplýsinga frá samgöngufirvöldum um stöðu áætlana og verkefna í samgöngumálum í fjórðungnum
- Vinna að öðrum samgöngutengdum verkefnum sem stjórn SSA kann að vísa til nefndarinnar.

Stjórn SSA og Samgöngunefnd skulu móta starfsreglur fyrir nefndina þar sem m.a. verði tekið til

verkaskiptingar milli nefndarinnar, annarra nefnda og stjórnar SSA. Miða skal við að einn fulltrúi í nefndinni eigi jafnframt sæti í stjórn SSA.

Undir þessum lið tóku til máls Jens Garðar Helgason, Jón Björn Hákonarson, Stefán Bogi Sveinsson og Gunnþórunn Ingólfssdóttir.

Þingskjal nr. 15 var borið undir atkvæði í heild sinni og samþykkt samhljóða.

D) Byggða- og atvinnumálanefnd, Páll Baldursson hópstjóri, flutti framsögu. Þingskjal nr. 16.

Jöfnun kostnaðar við dreifingu á raforku til almennra nota

Aðalfundur SSA haldinn á Borgarfirði eystri 14. – 15. sept. 2012 skorar á Alþingi að jafna að fullu raforkuverð til almennra nota í dreifbýli til jafns við raforkuverð til almennra nota í þéttbýli.

Greinargerð:

Meða nýrri skipan raforkumála voru samþykkt sérstök lög nr. 98/2004 um jöfnun kostnaðar við dreifingu raforku. Þar kemur fram að: Markmið laga þessara er að stuðla að jöfnun kostnaðar við dreifingu raforku til almennra notenda. Í lögnum segir m.a. greiða skal niður kostnað almennra notenda vegna dreifingu raforku á þeim svæðum sem orkustofnun hefur heimilað sérstakar dreifbýlisgjaldskrár í samræmi við ákvæði 5 mgr. 17.gr.raforkulaga.nr 65-2003.

Í lögnum stendur einnig: Skilyrði niðurgreiðslu er að meðaldreifingakostnaður notenda á orkueiningu sé umfram viðmiðunarmörk sem ráðherra setur í reglugerð.

Við ákvörðun viðmiðunarmarkna skal taka mið af hæstu gjaldskrár dreifiveitu að dreifbýlisgjaldskrár undanskildum. Þeirri fjárhæð sem ákveðin er í fjárlögum hverju sinni skal skipt hlutfallslega eftir orkunotkun á dreifbýlisgjaldskrársvæði miðað við kostnað dreifiveitu umfram viðmiðunarmörk í reglugerð.

Þegar lögin tóku gildi í upphafi árs 2005 var veitt 230 m. kr. í þennan málaflokk. Gert var ráð fyrir að sú upphæð dyggði til að verðjafna sem þó reyndist ekki alveg duga milli dreifbýlis og þéttbýlisgjaldskrár hjá dýrustu þéttbýlisveitunni.

Í dag er veitt 240 m. kr í þennan málaflokk en þyrfti að vera um 1.100. m. kr til að jafna muninn alveg. Ef þessi munur væri jafnaður yrði raforkuverð til heimila á Íslandi nánast sama um allt land.

Greiðslujöfnun til húshitunar.

Aðalfundur SSA haldinn á Borgarfirði eystri 14. – 15. sept. 2012 skorar á Alþingi að fara að tillögum varðandi niðurgreiðslur til húshitunar sem starfshópur á vegum Iðnaðarráðuneytisins hefur skilað í „skýrslu starfshóps um breytingar á niðurgreiðslum til húshitunar (des 2011“) og tekur Aðalfundur SSA eindregið undir þær tillögur sem þar eru settar fram.

Greinargerð:

Í dag eru hitaniðurgreiðslur samkvæmt fjárlögum um 1200 m kr. Sú upphæð hefur lítið breyst á undanförunum árum en var um 900 m. kr á árinu 2005. Samkvæmt tillögum starfshóps um breytingar á niðurgreiðslunum þarf um 1700 m. kr. í þessar niðurgreiðslu.

Stofnanir ríkisins á Austurlandi

46. aðalfundur SSA, haldinn á Borgarfirði eystri 14. og 15. sept. 2012, ítrekar áskoranir á þingmenn kjördæmisins að verja þau mikilvægu störf og þjónustu sem eru á vegum stofnana ríkisins í fjórðungnum. Fundurinn mótmælir fækkun á opinberum störfum á Austurlandi. Það dregur verulega úr möguleikum landsbyggðarinnar á að hafa áhrif og taka virkan þátt í þróun stjórnsýslu ríkisins. Fundurinn leggur áherslu á að ríkisvaldið efla starfsemi opinberra aðila á landsbyggðinni með tilfærslu starfa og nýrra verkefna.

Framkvæmdir á vegum ríkisins

46. aðalfundur SSA haldinn á Borgarfirði eystri 14. og 15. september 2012

46. aðalfundur SSA, haldinn á Borgarfirði eystri 14. og 15. sept. 2012, hvetur stjórnvöld til að ráðast í fyrirbyggjandi mannaflafrek fjárfestingaverkefni, til að stuðla að bættri stöðu í verktakastarfsemi á Austurlandi og varðveita jafnframt þá þekkingu og reynslu sem nú ríkir í fjórðungnum.

Fundurinn leggur jafnframt áherslu á að stöðuleiki í efnahagsmálum og eðlilegt rekstrarumhverfi er nauðsynlegt til þess að atvinnulífið geti ráðist í nauðsynlegar fjárfestingar.

Þá er mikilvægt að ríkisvaldið flýti eins og kostur er verkefnum sem þegar eru í startholunum.

Leiðbeinandi og samræmdar vegamerkingar

46. aðalfundur SSA, haldinn á Borgarfirði eystri 14. og 15. sept. 2012, hvetur Vegagerðina í samstarfi við sveitarfélög og ferðaþjónustuaðila, að vinna að bættri merkingu við þjóðvegi til hagsbóta fyrir landsmenn og erlenda ferðamenn. Fundurinn leggur sérstaka áherslu á að merkingar varðandi leiðarval með tilliti til stystu leiða, ástands vega og merkingar er vísa á áhugaverða staði verði bætтар.

Vatnajökulsþjóðgarður

46. aðalfundur SSA, haldinn á Borgarfirði eystri 14. og 15. sept. 2012, ítrekar að starfsemi Snæfellsstofu á Skriðuklaustri verði eflað. Nauðsynlegt er að kynna starfsemina vel fyrir ferðamönnum og ekki síður fyrir íbúum fjórðungsins. Stjórnvöld eru hvött til að standa við gefin fyrirheit um framlög til uppbyggingar og reksturs þjóðgarðsins. Mikilvægt er að bæta almennt aðgengi með vegabótum, stígum og merkingum, enda fylgja slíku margháttað tækifæri til atvinnusköpunar í sátt við náttúruvernd. Fundurinn leggur áherslu á að stjórnun þjóðgarðsins sé á höndum heimamanna. Þess verði jafnframt gætt sem kostur er, að tekið verði tillit til sjónarmiða ferðaþjónustufyrirtækja, félagasamtaka og annarra aðila sem nýta þjóðgarðinn.

Framlag til ferðamála og upplýsingamiðstöðva

46. aðalfundur SSA, haldinn á Borgarfirði eystri 14. og 15. sept. 2012, hvetur yfirvöld til að draga hvergi úr stuðningi sínum til ferðamála. Stuðningur hins opinbera við ferðaþjónustuna hefur sannanlega skilað árangri og skiptir sköpum fyrir þessa atvinnugrein.

Fundurinn hvetur ferðamálayfirvöld til þess að stýra áttakinu „Ísland allt árið“ á þann veg að Austurland jafnt og önnur landsvæði njóti ávinnings af áttakinu.

Upplýsingamiðstöðvar eru afar mikilvægur þáttur í að fjölga áfangastöðum ferðamanna, vísa þeim leið og tryggja ánægjulega dvöl. Því skorar aðalfundur SSA á stjórnvöld að tryggja nægjanlegt fjármagn til áframhaldandi reksturs landshluta- og landamæraupplýsingamiðstöðva á Austurlandi.

Hækkun virðisaukaskatts á ferðaþjónustu

46. aðalfundur SSA, haldinn á Borgarfirði eystri 14. og 15. sept. 2012, mótmælir harðlega öllum áformum og vinnubrögðum ríkisvaldsins til að auka álögur á ferðaþjónustuna með hækkun virðisaukaskatts. Slík aukin skattlagning mun hafa alvarlegar afleiðingar fyrir ferðaþjónustu á Austurlandi. Með slíkri skattlagningu mun áfallið verða mest fyrir ferðaþjónustu sem lengst er að sækja til, á Austurland og Vestfirði.

Farþega- og vöruflutningar til og frá Austurlandi

46. aðalfundur SSA, haldinn á Borgarfirði eystri 14. og 15. sept. 2012, vekur athygli á samgönguöxlunum þremur á Austurlandi, ferjuhöfn á Seyðisfirði, alþjóðaflugvelli á Egilsstöðum og vöruhöfn á Reyðafirði. Enn eru fjölmörg tækifæri til frekari nýtingar og framþróunar og þannig atvinnusköpunar í fjórðungnum sem byggja á þessum samgöngumannvirkjum og nálægðinni við Evrópu. Fundurinn hvetur til áframhaldandi samstarfs sveitarfélaganna og stoðstofnanna um markaðssetningu og stuðning við það góða starf sem þegar er unnið, sem og frekari nýsköpun á þeim grunni.

Endurvinnsla úrgangs á Austurlandi

46. aðalfundur SSA, haldinn á Borgarfirði eystri 14. og 15. sept. 2012, hvetur stjórn SSA til að kanna

46. aðalfundur SSA haldinn á Borgarfirði eystri 14. og 15. september 2012

möguleika á frekari endurvinnslu í fjórðungnum og vinna að sameiginlegri framtíðarsýn í úrgangsmálum fjórðungsins.

Refa og minkaveiðar

46. aðalfundur SSA, haldinn á Borgarfirði eystri 14. og 15. sept. 2012, skorar á ríkisvaldið að tryggja aftur fjármagn til sveitarfélaga vegna refa og minkaveiða. Veiðarnar stuðla að því að unnt sé meta og draga úr tjóni af völdum refa og minnka. Fundurinn leggur enn fremur til að tryggðar verði endurgreiðslur á virðisaukaskatti til sveitarfélaganna.

Hreindýr á Austurlandi

46. aðalfundur SSA, haldinn á Borgarfirði eystri 14. og 15. sept. 2012, hvetur ríkisvaldið til að flytja alla umsýslu og stjórnun hreindýraveiða heim í hérað. Hreindýr eru auðlind sem fyrirfinnst aðeins á Austurlandi og því telur fundurinn eðlilegt að öll umsýsla og stjórnun sé staðsett í fjórðungnum.

Háhraðatengingar

46. aðalfundur SSA, haldinn á Borgarfirði eystri 14. og 15. sept. 2012, gerir alvarlegar athugasemdir við þá mismunun sem er á milli minni og stærri sveitarfélaga hvaða varðar aðgengi að og kostnað vegna háhraðatenginga. Á sama tíma og meiri áhersla er lögð á fjarvinnsluverkefni, fjárnám og viðskipti á netinu skýtur það sökku við að minni sveitarfélög skulu þurfa að bera umtalsverðan kostnað af því sem í stærri sveitarfélögum heitir „uppfærsla“ og er þeim að kostnaðarlausu. Sveitarfélögum er nauðugur sá kostur að taka þessum afarkostum enda vandséð hvernig þau geti ætlað íbúum og fyrirtækjum að sitja ekki við sama borð og aðrir landsmenn þegar kemur að nettenginum. Aðalfundurinn beinir þeim tilmælum til Símans hf. og Póst- og fjarskiptastofnunar að endurskoða þessi kjör og í framhaldi af því að tryggja jafnan aðgang landsmanna að nettenginum.

Efling stoðkerfisins á Austurlandi

Með stofnun Austurbrúar er stefnt að sem bestri nýtingu á stoðkerfi atvinnulífs, menntunar og menningar í þágu fyrirtækja og einstaklinga á Austurlandi. Mikilvægt er að Austurbrú fái aukin stuðning frá ríkisvaldinu meðan verið er að festa starfsseminu í sessi.

Nauðsynlegt er að auka fjármagn til að styrkja frumkvöðla- og nýsköpunarstarf í fjórðungnum. Sérstaklega þarf huga að jaðarsvæðunum í því tilliti. Þá liggur fyrir brýn nauðsyn varðandi eflingu atvinnuþróunarstarfs sem beinist að konum.

Framlög til verkefna vegna Norðausturnefndar

46. aðalfundur SSA, haldinn á Borgarfirði eystri 14. og 15. sept. 2012, skorar á fjárveitingavaldið að veita áfram framlög til þeirra mikilvægu og fjölbreyttu verkefna sem stofnað var til að frumkvæði Norðausturnefndarinnar. Ástæða er til að gera fasta samninga um flest þeirra verkefna vegna mikilvægis þeirra fyrir einstök byggðarlög.

Breytt fyrirkomulag aðalfunda SSA

46. aðalfundur SSA, haldinn á Borgarfirði eystri 14. og 15. sept. 2012, beinir því til stjórnar SSA að taka til skoðunar breytt fyrirkomulag aðalfunda SSA. Sjónum verði sérstaklega beint að aðferðum sem auka áherslur á samræðu sveitarstjórnarfulltrúa. Jafnframt verði hugað að leiðum til að auka vægi stefnumarkandi niðurstaðna af þeim fundum í samstarfi við Austurbrú sem stoðstofnun sveitarfélaga og atvinnulífs á Austurlandi.

Til máls tóku Jens Garðar Helgason, Eiður Ragnarsson, Jón Björn Hákonarson, Cecil Haraldsson, Arnbjörg Sveinsdóttir, Páll Baldursson, Elvar Jónsson, Gunnar Jónsson og Guðmundur Þorgrímsson.

Jens Garðar Helgason bar upp ályktun um sjávarútveg, þingskjal nr. 16 b.

„Sjávarútvegurinn er einn af stærstu burðarásam atvinnulífs á Austurlandi. 46. Aðalfundur SSA mótmælir harðlega þeirri atlögu sem verið hefur á þessa mikilvægu atvinnugrein í fjórðungnum. SSA minnir á að stórauðinn auðlindaskattur er ekkert annað en landsbyggðarskattur og dregur úr möguleikum sjávarútvegsfyrirtækja til að fjárfesta og greiða starfsfólki sínu góð og samkeppnishæf

46. aðalfundur SSA haldinn á Borgarfirði eystri 14. og 15. september 2012

laun.“

Cecil Haraldsson bar upp aðra ályktun um sjávarútveg gegn tillögu Jens, þingskjal nr. 16 c. „46. aðalfundur SSA, haldinn á Borgarfirði eystri 14. og 15. sept. 2012 gerir þá kröfu til stjórnvalda að þau tryggi að ákvarðanir um stjórn og fyrirkomulag fiskveiða verði með þeim hætti að hlutur sjávarbyggða sem eiga alla afkomu sína undir veiðum og vinnslu á sjávarfangi verði tryggður. Fundurinn skorar jafnhlitða á stjórnvöld að einhenda sér í mótuð verði ábyrg byggðastefna svo hægt verði að skapa varanlega framtíðarsýn og sátt m.a. um grunnatvinnuvegina sem er forsenda byggðar í landinu.“

Guðmundur Þorgrímsson bar upp tillögu um að vísa tillögum Jens Garðars Helgasonar og Cecils Haraldssonar um sjávarútvegsmál til samstarfsnefndar. Sú tillaga var samþykkt með 27 atkvæðum gegn einu.

Páll Baldursson kom með breytingartillögu á orðalagi í liðnum um stofnanir á Austurlandi, að setja punkt á eftir Austurlandi í setningunni „Fundurinn mótmælir fækkun á opinberum störfum...“ og fella út orðalagið „oftast á höfuðborgarsvæðinu“ og orðið „draga“ verður „dregur“ í kjölfarið. Önnur málsgrein hljóðar svo: Fundurinn mótmælir fækkun á opinberum störfum á Austurlandi, það dregur verulega úr möguleikum landsbyggðarinnar á að hafa áhrif og taka virkan þátt í þróun stjórnsýslu ríkisins. Breytingartillagan samþykkt samhljóða.

Þingskjal nr. 16 var borið undir atkvæði í heild sinni með áorðnum orðalagsbreytingum og samþykkt samhljóða.

E) Allsherjarnefnd, Sigrún Blöndal, hópstjóri flutti framsögu. Þingskjal nr. 17.

1) Ályktun um heilbrigðisþjónustu

46. aðalfundur SSA haldinn á Borgarfirði eystri 14. og 15. september 2012, skorar á yfirvöld velferðar- og fjármála, Alþingi og ríkisstjórn Íslands, að standa vörð um þá heilbrigðisþjónustu sem nú er veitt í fjórðungnum, og treysta rekstrargrunn hennar eftir langvarandi niðurskurð og hagræðingar. **Frekari skerðingar á þessari mikilvægu nærþjónustu mun valda auknu óöryggi meðal íbúa og fyrirtækja á Austurlandi og veikir þannig búsetuskilyrði og fjölbreytt atvinnulíf í fjórðungnum.** Heilbrigðisþjónusta í nærumhverfi er einn mikilvægasti grunnþáttur í þjónustu við íbúa, ekki síst á jaðarsvæðum þar sem samgöngur eru erfiðar og því verða stjórnvöld að taka tillit til þeirra staðhátta sem einkenna Austurland þegar framlög til heilbrigðismála eru ákveðin.

Íbúar alls Austurlands eiga skýlausan rétt, samkvæmt núgildandi lögum, á ásættanlegu aðgengi að heilbrigðisþjónustu eins og aðrir landsmenn.

2) Ályktun um Heilbrigðisstofnun Austurlands (HSA)

46. aðalfundur SSA, haldinn á Borgarfirði eystri 14. og 15. september 2012, skorar á Alþingi, fjárveitingavaldið og ráðuneyti velferðarmála að sjá til þess að fjárframlög til stofnunarinnar taki mið af raunverulegri starfsemi hennar og getu til að þjóna öllum íbúum og gestum á víðfemu starfsvæði stofnunarinnar. Fundurinn tekur undir ályktun lækna ráðs HSA, frá 24. maí 2012, um svokallaða lækna lausa daga á Vopnafirði og Djúpavogi og telur slíkar lausnir á rekstrarvanda stofnunarinnar óásættanlegar, hættulegar og að þær mismuni íbúum á þjónustusvæðinu. Þá fordæmir fundurinn allar tillögur um að loka Fjórðungssjúkrahúsinu í Neskaupstað í sparnaðarskyni yfir sumarmánuðina.

Greinargerð

Heilbrigðisstofnun Austurlands (HSA) hefur þrátt fyrir verulegan niðurskurð á fjárframlögum á síðustu árum tekist að mestu að halda uppi nauðsynlegri þjónustu á stóru starfsvæði sínu. Stofnunin hefur á undarförnum árum, með aukinni tækjavæðingu, getu og tiltrú á stofnunina, orðið færari um að sinna stærri hluta þeirrar heilbrigðisþjónustu sem annars þyrfti að sækja í aðra landsfjórðunga, eða til höfuðborgarsvæðisins, með tilheyrandi kostnaði. Það er því augljóslega hagkvæmt fyrir bæði íbúa Austurlands, sem og fyrir hið opinbera að sem mest af heilbrigðisþjónustunni sé veitt í nærumhverfi með staðbundinni grunnþjónustu og skipulagðri komu farandsérfræðinga sem nýta tilbúna fjárfestingu og góða aðstöðu á FSN, eða öðrum starfstöðvum HSA. Íbúar Austurlands eiga

46. aðalfundur SSA haldinn á Borgarfirði eystri 14. og 15. september 2012

sama rétt og aðrir landsmenn á að njóta þjónustunnar í sínum byggðarlögum, jafnt ungir sem aldnir. Gæta þarf hagsmuna einstaklinga á öllum stigum heilbrigðisþjónustu. Með stofnun HSA voru stigin mikilvæg skref til eflingar starfseminnar í landshlutanum og hagræðingar. Þessi hagræðingarskref voru tekin af frumkvæði heimamanna og skiluðu þau árangri og hafa verið notuð sem fyrirmynd í öðrum landshlutum í sameiningum heilbrigðisstofnana. Á undanföllum árum hafa stjórnvöld lagt fram kröfu um hagræðingu í heilbrigðisgeiranum og hefur í tilfelli HSA verið tekin meira en fimmta hver króna út úr rekstrargrunni stofnunarinnar. Í þessu hefur ekki verið tekið tillit til sérstöðu Austurlands með dreifbýli, mörgum byggðakjörnum, erfiðum samgöngum og miklum kostnaði við að sækja þjónustu út fyrir fjórðunginn. Því er það krafa aðalfundar SSA að framlög til HSA verði leiðrétt með hliðsjón af framansögðu.

3) Ályktun um samskipti ríkis og sveitarfélaga

46. aðalfundur SSA haldinn á Borgarfirði eystri 14. og 15. september 2012, fagnar og er fylgjandi auknum flutningi verkefna frá ríki til sveitarfélaga, eða landshlutasamtaka þeirra, sem betur eiga heima í nærumhverfi sveitarstjórnarstigsins, en krefst þess jafnframt að íþyngjandi skilyrðum af hálfu ríkisvaldsins á hendur sveitarfélögum verði stillt í hof, og að þeim fylgi ávallt vandað kostnaðarmat og viðunandi tekjustofnar.

4) Ályktun um málefni aldraðra

46. aðalfundur SSA haldinn á Borgarfirði eystri 14. og 15. september 2012 skorar á stjórnvöld og Samband íslenskra sveitarfélaga að setja kraft í viðræður sín á milli um að sveitarfélögin taki yfir málefni aldraðra. Nú eftir að sveitarfélögin hafa tekið yfir málefni fatlaðra er eðlilegt að næsti málaflokkur nærþjónustunnar í heimabyggð fari yfir til þeirra enda fylgi honum eðlilegir tekjustofnar frá ríkisvaldinu. Áhersla er þó lögð á að árangursmati vegna yfirfærslu á málefnum fatlaðs fólks verði lokið áður en hafist verður handa við tilflutning á málefnum aldraðra.

5) Ályktun um starfsemi Heilbrigðiseftirlits Austurlands, (HAUST)

46. aðalfundur SSA haldinn á Borgarfirði eystri 14. og 15. september 2012 beinir því til stjórnvalda og Sambands íslenskra sveitarfélaga að ræða á opinskáan hátt um verkefnatilflutning milli ríkisstofnana og heilbrigðiseftirlits sveitarfélaga og tryggja að slíkur flutningur verði ekki falinn í breytingum á lögum og/eða reglugerðum með þeim afleiðingum að verkefni færast frá nærumhverfinu til ríkisstofnana.

Greinargerð:

Á undanföllum árum hafa endurtekið verið gerðar laga- eða reglugerðarbreytingar sem hafa í för með sér verkefnatilflutning frá heilbrigðiseftirliti sveitarfélaga til ríkis. Sveitarfélög á Austurlandi hafa stutt dyggilega við bakið á HAUST með þeim árangri að HAUST hefur haldið og/eða fengið samninga um að fara með verkefni f.h. eftirlitsstofnana á vegum ríkisins (Matvælastofnunar, MAST og Umhverfisstofnunar, UST). Með þessu móti hefur verið unnt að tryggja verkefni og störf hjá HAUST og eftirlitsþegum þjónustu úr nærumhverfinu.

Enn er unnið að breytingum á lögum sem hafa í för með sér tilflutning verkefna. Má nefna áformaðar breytingar á lögum um efni og efnablöndur og einnig breytingar á hollustuháttalögum sjálfum. Verkefnatilflutningur sem um ræðir getur haft í för með sér færri verkefni á forræði sveitarfélaga og minnkandi áhrif þeirra í málefnum umhverfis- og almennra hollustuhátta.

6) Ályktun um þjónustu ríkisstofnana

46. aðalfundur SSA haldinn á Borgarfirði eystri 14. og 15. september 2012 leggur áherslu á að stjórnvöld hugi að því að gæta fyllstu hagkvæmni í rekstri opinberra stofnana. Aðalfundur leggur áherslu á að stjórnvöld hugi að því að nýta þann mannafla sem til staðar er og á viðkomandi landsvæðum í stað þess að nota þjónustu frá höfuðstöðvum í Reykjavík (ss. vegna tollgæslu, matvælaeftirlits o.fl.)

7) Tilhögun aðalfunda

Allsherjarnefnd beinir því til stjórnar SSA að hugað verði að því að breyta tilhögun aðalfunda. Þar

46. aðalfundur SSA haldinn á Borgarfirði eystri 14. og 15. september 2012

verði hugað að því að efla samræðu sveitarstjórnarmanna af öllu Austurlandi og fundirnir verði skipulagðir með það í huga. Fulltrúar á aðalfundi leggi þá meiri áherslu á að ræða innri málefni landshlutans og það sem helst brennur á hverju sinni og efla jafnframt tengsl sín á milli.

Greinargerð

Tækifæri hinna almennu sveitarstjórnarmanna til að ræða saman og skiptast á skoðunum eru takmörkuð. Á aðalfundum SSA eru þó margir þeirra samankomnir og fundirnir væru því vel til þess fallnir að styrkja tengsl manna og vettvangur til að ræða sameiginleg verkefni, hverjar sem skoðanir manna eru á þeim. Það er nauðsynlegt að gefa kjörnum fulltrúum tækifæri til að hittast, ekki aðeins til að sitja saman undir sama þaki – heldur til að geta rætt málin, skipst á skoðunum og ef svo vill verkast - ná samkomulagi um hin mörgu mál sem okkur ber að taka afstöðu til og ákvarðanir um.

Til máls tóku Jens Garðar Helgason og Gunnþórunn Ingólfssdóttir.

Gunnþórunn Ingólfssdóttir lagði til breytingu á 6. lið, að felld yrði út „gæta fyllstu hagkvæmni í rekstri opinberra stofnana. Liður í slíkri viðleitni væri að“. 6. liður hljóðar svo: 46. aðalfundur SSA haldinn á Borgarfirði eystri 14. og 15. september 2012 leggur áherslu á að stjórnvöld hugi að því að gæta fyllstu hagkvæmni í rekstri opinberra stofnana. Aðalfundur leggur áherslu á að stjórnvöld hugi að því að nýta þann mannafla sem til staðar er... Breytingartillaga samþykkt samhljóða.

Þingskjal nr. 17 var borið undir atkvæði í heild sinni með áorðnum orðalagsbreytingum og samþykkt samhljóða.

F) Samgöngunefnd, Páll Björgvin Guðmundsson flutti framsögu. Þingskjal nr. 18.

Tillögur samgöngunefndar SSA lagðar fyrir aðalfund á Borgarfirði eystri 15. september 2012.

a) Jarðgangnagerð

Samgöngunefnd SSA fagnar sérstaklega flýtingu Norðfjarðarganga með upphafi framkvæmda á næsta ári. Um leið og nefndin minnir á að jarðgangnagerð verði að fjármagna með sértækum hætti leggur hún að sama skapi mikla áherslu á mikilvægi þess að hefja nú þegar rannsóknir og undirbúning að næstu göngum í fjórðungnum þ.e. Fjarðarheiðar- og í framhaldi Lónsheiðar- og Vopnafjarðargöngum.

b) Forgangsframkvæmd í vegagerð

Samgöngunefnd SSA leggur áherslu á framkvæmdir við heilsársveg um Öxi hefjist sem fyrst. Framkvæmdin hefur tafist úr hófi frá áætluðum en Axarvegur er stærsta og brýnasta framkvæmd í vegagerð á Austurlandi að mati nefndarinnar. Mikilvægt er að koma framkvæmdinni í gang strax á árinu 2014 með verklokum eigi síðar en 2017. Mikilvægt er að með nýframkvæmd um Axarveg verði í sameiginlegu útboði leyst tvö brýn samgönguverkefni á þjóðvegi 1 sem eru órjúfanlegir hlutar Axarvegar þ.e. í botn Skriðdals og Berufjarðar.

c) Brýnar framkvæmdir og viðhald vega

Gera þarf átak í því að koma á bundnu slitlagi á vegakafla sem enn eru með malaryfirborði. Eru þar fremstir í flokki Borgarfjarðarvegur, þjóðvegur nr. 1 um Breiðdal, vegurinn um Jökulsárhlíð og Upphéraðsvegur um Fell. Jafnframt er nauðsynlegt með tilliti til öryggis, að fjármagni verði varið í endurbyggingu á vegköflum í botni Reyðarfjarðar, Fáskrúðsfjarðar, Stöðvarfjarðar og Hamarsfjarðar.

d) Brýr

Nauðsynlegt er að ráðast í átak til að fækka einbreiðum brúm, en á Austurlandi er t.a.m. að finna bróðurpart allra einbreiðra brúa sem enn eru á þjóðvegi nr. 1 auk fjölmargra annarra og hefur fjórðungurinn verið látinn sitja verulega á hakanum þegar kemur að endurnýjun. Nefndin telur brýnt að nýrri Lagarfljótsbrú við Egilsstaði verði aftur fundinn staður í samgönguáætlun.

e) Almenningsamgöngur

Samgöngunefnd fagnar þeirri vinnu sem farið hefur fram í heildstæðu skipulagi

46. aðalfundur SSA haldinn á Borgarfirði eystri 14. og 15. september 2012

almenningsgangna á landsvísu. Nefndin telur mikilvægt að til þess að almenningssamgöngur verði raunhæfur valkostur á landsbyggðinni þurfi að auka fjármagn til þeirra líkt og gert hefur verið á höfuðborgarsvæðinu.

f) Egilsstaðarflugvöllur

Samgöngunefnd SSA leggur áherslu á að ráðist verði í nauðsynlegar úrbætur við Egilsstaðarflugvöll og hann eflur sem valkostur í millilandaflugi. Í því sambandi skal ítrekað mikilvægi þess að flughlað við Egilsstaðarflugvöll verði stækkað til að auka öryggi flugvallarins og notkun hans. Framkvæmda- og rekstrarfé verði áfram tryggt til flugvallarins.

Nefndin beinir því til stjórnvalda að skoða þann möguleika að létta álagi á Keflavíkurflugvöll m.a. með því að beina hluta af flugi t.d. með ferðamenn á Egilsstaðarflugvöll. Víða erlendis tíðkast að dreifa flugsamgöngum með þessum hætti og eru þá oft boðin lægri þjónustugjöld. Áhersla er lögð á að samgöngufirvöld komi með virkum hætti að markaðssetningu flugvallarins.

g) Innanlandsflug

Samgöngunefnd leggur áherslu á mikilvægi öflugs innanlandsflugs og að áfram verði áætlunarflug til Vopnafjarðar með tengiflugi við Akureyri. Fundurinn leggur áherslu á mikilvægi þess að Norðfjarðarflugvöllur verði lagður bundnu slitlagi þannig að hann megi þjóna sjúkraflugi sem best. Samgöngunefnd áréttar fyrri ályktanir um mikilvægi þess að staðsetning Reykjavíkurflugvallar haldist óbreytt. Ætli Reykjavík að standa undir nafni sem höfuðborg alls landsins er mikilvægt að ráðamenn meðtaki þá staðreynd að stór hluti landsmanna sækir nauðsynlega þjónustu til höfuðborgarinnar með flugsamgöngum.

h) Hafnir

Samgöngunefnd leggur áherslu á að haldið verði áfram að styrkja hafnarframkvæmdir í samræmi við hljóðan 24.gr. hafnarlaga og að við endurskoðun þeirra verði tekið tillit til mikilvægi þess að auk nýframkvæmda taki þau til meiriháttar viðhalds hafna.

i) Fjarskipti

Samgöngunefnd SSA beinir því til samgöngufirvalda að gera átak í því að bæta þjónustu 3G- kerfis með því að flyta uppfærslu þess í 4 G svo og háhraðanettenginga í smærri sveitarfélögum. Sérstök áhersla skal lögð á að litið verði til þarfa sjófarenda, þá er mjög slitrótt samband á vegum í fjórðungnum. Nefndin leggur áherslu á það sanngirnismál að allir íbúar landsins (einstaklingar, fyrirtæki og stofnanir) sitji við sama borð varðandi verðlagningu á gagnaflutningum og háhraðatengingum, óháð búsetu og í samræmi við flutningsgetu.

j) Þyrlusveit á Austurlandi

Aðalfundur SSA haldinn á Borgarfirði eystri 14. og 15. september leggur áherslu á að unnið verður að því að aðstaða og hluti útgerðar þyrlusveitar Landhelgisgæslunnar verði á Egilsstaðarflugvelli. Einnig verði tryggt að Egilsstaðarflugvöllur verði notaður sem flugmiðstöð vegna starfsemi sem tengd er hugsanlegri olíuleit á Drekasvæðinu, samanber tillögur sérfræðinga þar um (Þjónustumiðstöð við olíuleit á Drekasvæði – Aðstöðusköpun og staðarval, Iðnaðarráðuneytið, Langanesbyggð og Vopnafjarðarhreppur, september 2008).

k) Ályktun um Drekasvæði, olíuleit. (vísað til samstarfsnefndar)

Aðalfundur SSA haldinn á Borgarfirði eystri 14. og 15. september 2012 fagnar þeirri ákvörðun stjórnvalda að láta fara fram útboð á olíuleit á Drekasvæðinu, sem getur haft veruleg áhrif á atvinnuuppbyggingu á Austurlandi öllu.

Fundurinn styður eindregið við þá vinnu sem Vopnafjarðarhreppur og Langanesbyggð hafa unnið varðandi undirbúning á uppbyggingu þjónustumiðstöðvar á Vopnafirði og undirstrikar mikilvægi þess að sem stærstur hluti þjónustunnar verði veittur þaðan og frá öðrum stöðum á Austurlandi. Stjórnvöld eru einnig hvött til þess að reyna allt sem í þeirra valdi stendur til þess að tryggja að sem mestur hluti þjónustu við olíuleitina verði veitt frá Íslandi.

Jafnframt telur fundurinn mikilvægt að tryggð verði góð aðstaða fyrir þyrluflug á Egilsstöðum til

þess að þjónusta þá miklu umferð á þýrlum til og frá landi í þessu sambandi.

Aðalfundurinn telur þessa þróun jafnframt undirstrika mikilvægi þess að björgunarþýrla Landhelgisgæslunnar verði staðsett á Austurlandi.

Til máls tóku Eyrún Arnardóttir, Eiður Ragnarsson, Stefán Bogi Sveinsson, Jón Björn Hákonarson, Jens Garðar Helgason, Þórunn Egilsdóttir og Arnbjörg Sveinsdóttir.

Eyrún Arnardóttir gerði tillögu að orðalagsbreytingu í f) lið, að „og efli hann“ verði bætt inn í fyrstu málsgrein. Málsgreinin hljóðar svo: Samgöngunefnd SSA leggur áherslu á að ráðist verði í nauðsynlegar úrbætur við Egilsstaðaflugvöll og hann eflur sem valkostur í millilandaflugi. (Út fellur svo hann standi undir nafni sem valkostur í millilandaflugi). Breytingin samþykkt samhljóða.

Eiður Ragnarsson lagði fram tillögu um að í stað b) liðar kæmi eftirfarandi:
„Ályktun um faglega umræðu er varðar forgangsöröðun í vegamálum á Austurlandi
Lagt er til að fram fari óháð faglegt mat á næstu vegabótum í fjórðungnum, þar sem lagðir verða til grundvallar áhrifaþættir í forgangsöröðum vegabóta sbr, samgönguáætlun Alþingis þ.e. öryggi vegfarenda, greiðfærni, umhverfi og byggðamál. Horfa mætti síðan til annarra þátta s.s. umferðarþungi, stytting vegalengda, tryggja heilsársamgöngur, kostnaður o. fl. Þetta mat yrði lagt til grundvallar forgangsöröðun endurbóta á vegakerfi fjórðungsins. Með þessari tillögu eru sveitarstjórnarmenn á Austurlandi hvattir til nýrrar nálgunar við áfarmhaldandi umræðu um endurbætur á vegakerfi fjórðungsins.“

Tillagan var felld með 22 atkvæðum á móti 14.

Stefán Bogi Sveinsson lagði fram vísunartillögu: „Lagt er til að k) lið um olíuleit á Drekasvæðinu verði vísað til samstarfsnefndar SSA sem starfar milli þinga“.
Tillagan var samþykkt með 25 atkvæðum gegn 6.

Jón Björn Hákonarson kom með breytingartillögu á i) lið, að bæta við „með því að flýta uppfærslu þess í 4G“. Málsgreinin hljóðar svo: Samgöngunefnd SSA beinir því til samgöngufyrivalda að gera átak í því að bæta þjónustu 3G- kerfis með því að flýta uppfærslu þess í 4G svo og háhraðanettenginga í smærri sveitarfélögum. Breytingartillagan samþykkt samhljóða.

Hver liður fyrir sig í þingskjali 18 var borin undir atkvæði:

- a) liður: samþykkt samhljóða**
- b) liður var samþykktur með 22 atkvæðum gegn 14**
- c) liður: samþykkt samhljóða**
- d) liður: samþykkt samhljóða**
- e) liður: samþykkt samhljóða**
- f) liður: samþykkt samhljóða með áorðnum orðalagsbreytingum**
- g) liður: samþykkt samhljóða**
- h) liður: samþykkt samhljóða**
- i) liður: samþykkt samhljóða með áorðnum orðalagsbreytingum**
- j) liður: samþykkt samhljóða**

Eiður Ragnarsson lagði fram svohljóðandi bókun:

Fulltrúar Fjarðabyggðar hafa lagt fram tillögu um að fagleg umræða fari fram um forgangsöröðun í vegamálum á Austurlandi. Sú tillaga hefur ekki fegnið brautargengi í meðferð þingsins. Við styðjum að vegasamgöngur um Öxi verði bætтар og jafnframt að eitt af forgangsmálunum í vegagerð á Austurlandi sé að ljúka vegagerð um Berufjörð með bundnu slitlagi. Áherslumunur í þessu máli er á skoðunum okkar og fulltrúa annarra sveitarfélaga um hvort byggja eigi upp vegi á láglandi með ströndinni eða færa uppbyggingu vega í svo mikla hæð sem heilsársvegur um Öxi yrði. Einnig teljum við að ályktunin samræmist ekki markmiðum nýsamþykkrar samgönguáætlunar Alþingis. Því erum við knúin til þess að vera á móti b) lið ályktunarinnar eins og hann er samþykktur hér en vísun til

tillögu okkar um óháð faglegt mat á vegabótum í fjórðungnum.

G) Kosningar samkvæmt samþykktum SSA. Formaður kjörnefndar Þórunn Egilsdóttir, flutti framsögu. Þingskjal nr. 19.

Tillögur kjörnefndar til aðalfundar SSA á Borgarfirði eystri 14. og 15. september 2011:

Aðalmenn:

Stefán Bogi Sveinsson
Arnbjörg Sveinsdóttir
Þórunn Egilsdóttir
Valdimar O. Hermannsson
Sigrún Blöndal
Unnur Björgvinsdóttir
Gauti Jóhannesson

Varamenn:

Gunnþórunn Ingólfssdóttir
Vilhjálmur Jónsson
Bárður Jónasson
Jón Björn Hákonarson
Jón Þórðarson
Gunnlaugur Ingólfsson
Andrés Skúlason

Ekki bárust aðrar uppástungur og voru framantaldir einstaklingar því sjálfkjörnir til þessara embætta.

H) Tillaga stjórnar um skoðunarmenn:

Aðalmenn:

Sigurbjörg Hjaltadóttir, Fjarðarbyggð
Þórunn Hálfðánardóttir, Fljótsdalshéraði

Varamenn:

Ólafía Stefánsdóttir, Seyðisfirði
Ómar Bogason, Seyðisfirði

Ekki bárust aðrar uppástungur og voru framantaldir einstaklingar því sjálfkjörnir til þessara embætta.

11. Fundarslit

Páll Björgvin Guðmundsson tók til máls og bauð Fjarðarbyggð fram sem næsta fundarstað fyrir aðalfund SSA 2013.

Valdimar O. Hermannsson þakkaði fundarmönnum fyrir góðan fund og sérstaklega heimasveitarfélagi fyrir góða aðstöðu og starfsmönnum fundarins. Þá þakkaði hann fráfarandi stjórnarmönnum fyrir samstarfið og óskaði nýjum stjórnarmönnum til hamingju með kosninguna. Valdimar óskaði fundarmönnum góðrar heimferðar.

Sleit hann síðan 46. aðalfundi SSA kl. 14:55.

Samþykkt að fundarritarar og fundarstjórar gangi sameiginlega frá fundargerð.

Fundarstjórar:

Björn Ármann Ólafsson
Kristjana Björnsdóttir

Fundarritarar:

Hrund Snorradóttir
Sigurbjörg Hjaltadóttir